

## ILUARSISSUTIT 2

Siunnersuut 10. marts 2017-imik ullulerneqartoq taarserpaat

### Pissutaasooq

Inatsisilerinermut tunngasumik tusarniaanermut akissutip kingusissukkut takkuttup, siunnersummut iluarsiisummik nutaamik saqqummiussinissaq pisariaqalersippaa.

Inatsisisstatut siunnersummut oqaaseqaatit

### Oqaaseqaatit nalinginnaasut

#### 1. Inatsisisstatut siunnersuutip tunngavia

Inatsisisstatut siunnersuutikkut inatsisip, naatsorsuutinut tunngasut pitsaanerulersinneqarnissaat siunertaralugu nutarterneqarnissaa naleqqussarneqarnissaalu – pingaartumik akiligassat allagartaasa elektroniskiusumik maanna suliarineqartaleriartornerat eq-qarsaatigalugu tamanna pisariaqarsorinarmat – ilaatigullu anguniarneqarluni pisortani sulisutigut/ningaasatigut isumalluutit akileraartarnermut tunngasut pillugit naammagittaalliuutinik suliaqartarnermi atorluarneqarnerusinnaanerannik qulakkeerinissaq ilaatigut anguniarneqarpoq.

Siunnersuutip siunertarinngila, naammagittaalliorsinnaanerup aaqqissuussaanerata allanganortinneratigut innuttaasut inatsisitigut illersugaanerannik ajornerulersitsinissaq, siunertaraluguli Akileraaruseriffiup aalajangiinerisa Skatterådimut naammagittaalliuutigineqarsinnaanngitsut marloriaammik suliarineqartarnissaannik pinngitsoortitsinissaq.

Naammagittaalliorsinnaanerup aaqqissuussaaneranik allannguineq, naammagittaalliorsinnaanerullu taamaalilluni pisariinnerulernera innuttaasut inatsisitigut illersugaanerannik amerlantigut ajornerulersitsisanngilaq, innuttaasummi inatsisitigut illersugaanerat amerlasuutigut aallaqqaammulli isumannaarneqartarpoq. Innuttaasullu Akileraaruseriffiup aalajangiinerinik Nunatta Eqqartuussivianut aamma Inatsisartut Ombudsmandiannut naammagittaalliuutigin-nissinnaanertik taassuma peqatigisaanik attatiinnassavaat.

#### 2. Siunnersuutip imarisai pingaarerit

Akiligassat allagartaannik suliaqartarnissamik piumasaqaatit Naalakkersuisunit maleruagassi-unneqarsinnaanerat siunnersuutikkut atuutilersinneqassaaq.

Taamattaarlu maalaaruteqarsinnaanermut periarfissanik killiliinermut malittarisassat atuutilersinneqassapput.

Akileraartarnerup iluani naammagittaallior sinnaaneq ullumikkut ima aaqqissuussaavoq, akile-raaruseriffiup suliat akileraartarnermi inatsisit malillugit aalajangigai Skatterådimut naamma-gittaalliuutigineqarsinnaallutik. Skatterådip ilaatigut suliarisarpai akileraarutinik angissusilii-nerit pillugit suliat naammagittaalliuutigineqarneri, akileraarutinut akiliinikippallaarutinik isu-makkeerinninnej, akileraarutinik akiliinissamik kinguartitsineq, akileraaruteqaataasussaan-ngitsumik kattunnerit, nioqqutissanik eqqussuinermut atatillugu akitsuutinik akiligassiinerit pillugit aalajangiinerit il.il. Naammagittaalliorup akileraarutit pillugit suliaq skatterådimut misilitsererlugu ingerlateqqinnissa kissaatigippagu, Skatterådip aalajangiinera Kalaallit Nu-naanni eqqartuussivimmut ingerlateqqinnejqarsinnaavoq. Suliat allat assigiinngitsut, matumani soorlu ilaatigut arsaarinninnerit, pineqaatissiinerit, sulisunut tunngasut kiisalu sulihamut tun-negasunik takunnissinnaatitaaneq pillugu aalajangiinerit pillugit suliat Skatterådimut naamma-gittaalliuutigineqarsinnaanngillat. Tamakku pillugit naammagittaalliuutit oqartussaasut, sulia-nik suliaqartunut akisussaasuusut suliassaraat, aammali allaffissornermi oqartussaasumi qul-liunerusumi misilitsinneqarsinnaapput. Tamatumani tassa Aningaasaqarnermut Akileraartar-nermullu Naalakkersuisoqarfimmi.

Akileraartarnermut ingerlatsiviup aalajangigaasa Skatterådimut naammagittaalliuutigineqarsinnaasut, allaffissornermi oqartussaasunut allanut maalaarutigineqarsinnaannginnerat siunnersuutikkut aalajangersarneqarpoq.

Taakku saniatigut siunnersuut ilaatigut sulisunut tunngasunut kiisalu pappiaqqanik takunnissinnaanermut tunngasuni suliani akileraaruseriffiup aalajangerneranut atatillugu maalaaruteqarsinnaanermut killiliinermut malittarisassanik siunnersuut imaqarpoq. Suliamik pisariinnerusumik sukkanerusumillu ingerlatsisalernissamik siunertaqarneq isumalluutinillu atuinerup annikillisarnissa siunertarineqarpoq, sulianimi arlalinni marloqiusamik ingerlatsineq pinngitsoortinneqassammat. Naammagittaalliuuteqarsinnaanermik killilersuinissamik aalajangersaunerup innuttaasut inatsisitigut illersugaanerannik annikillisitserujussuannginnissa pingaartillugu isiginiarneqassaaq.

Kiisalu siunnersuutip imarai soraarnerussutisiaqarnissamut ileqqaakkanik aningaaserivinni pi-lersitsisinnaalernerup kingunerisaanik allannguutit, kiisalu oqaasertaliussamik allannguineq aamma inatsisip 2006-imi allanngortinneqarnerani kukkunermik aaqqiineq, tassanimi aalaja-ngersagaq kukkusooq innersuussutigineqarmat.

Soraarnerussutisiaqarnissamut aningaasaateqarfiit, inuunermut soraarnerussutisiaqarnissamul-lu sillimmasiisarfiit allallu soraarnerussutisionik imaluunniit sillimmasiissutinik inuuneq naal-lugu pisartagaritinneqartartussanik tunniussaqartartut paasissutissiisussaatitaanerisa maanna atuuttup aammattaaq aningaaserivinnut atuunnissaa inatsimmi § 39-imi taamaalilluni erseq-qissarneqarpoq. Aningaaseriviit Kalaallit Nunanni angerlarsimaffeqartut aalajangersimasumil-luunniit ingerlatsiveqartut soraarnerussutisiat pillugit inatsisnik aaqqissuusseqqinermut ata-

tillugu, soraarnerussutisiaqarnissamut aningaasaateqarfii assigalugit, soraarnerussutisiaqarnissamut ileqqaarnissamik neqeroorsinnaalererat tassunga tunngaviuvoq.

<b>Inatsisissatut siunnersuut inatsimmut atuuttumut sanilliullugu</b>	
<i>Oqaasertai atuuttut</i>	<i>Inatsisissatut siunnersuut</i>
	<p style="text-align: center;"><b>§ 1</b></p> <p>Akileraaruserinermik ingerlatsineq pillugu Inatsisartut inatsisaanni nr. 11, 2. november 2006-i meersumi, Inatsisartut inatsisaatigut nr. 32, 28. november 2016-imeersukkut kingullermik allanngor-tinneqartumi makku allannguutigitinneqarput:</p>
	<p><b>1.</b> § 18-ip kingornanut ilanngunneqarpoq:</p> <p><b>”§ 18 a.</b> Nioqqutissanik tunisaqarnermi imaluuniit sullissinermi akiligassat allagartaannik suliaqartarnissamik piumasaqaatit Naalakkersuisut maleruagassiuussinnaavaat, matumaniaamma akile-raarutitigut ilanngaateqarnissap, akiligassat allagartaat pillugit piumasaqaatit annertuumik sumiginnarneqartillugit akileraaruseriffimmit itigartitsissutigineqarsinnaanera pillugu aala-jangersakkat aalajangersarsinnaallugit.”</p>
<b>§ 25.</b>	<p><b>2.</b> § 25, imm. 4, ima oqaasertaqarpoq:</p> <p>”<i>Imm. 4.</i> Akileraarutit sippuutaat taartisiallu uki-umi akileraarusiiffimmi ulloq 1. september naller-tinnagu utertinneqassapput. Utertsineq ullormit 1. septemberimit kingusinnerusukkut pippat akileraartussaatitaasoq § 44, imm. 4-mi malerua-gassaq malillugu erniasiaqartinneqassaaq.”</p>
<b>§ 25.</b>	<p><b>3.</b> § 25, imm. 5, <i>oqaaseqatigiit pingajuanni</i> allaq-qasoq ”§ 24, imm. 5” allanngortinneqarpoq ima: ”§ 24, imm. 4”.</p>

raarusiiffimmi ullormit 1. septemberimiit aallarttumik ullup aalajangiineq pillugu nalunaaruteqarfiusup tungaanut aningaasat utertinneqartut 0,5 procentiannik qaammatit aallartinneri tamaasa erniasiaqartinneqassaaq. Utertitassalli aningaasanut § 24, imm. 5 malillugu akilgas-siissutigineqarsimasunut tunngasut erniaat aatsaat ulloq akiligassanngorfiat aallarnerfigalugu naatsorsorneqassapput.	
<p><b>§ 39</b></p> <p><i>Stk. 1.</i> Soraarnerussutisianut karsit, inuunermut aamma soraarnerussutisianut sillimmasiisarfift allallu soraarnerussutisianik akiliisartut imaluunniit inuunermut sillimmatiniit ingerlaavarttumik akiliisartut akileraaruseriffimmut ukuningga paassisutissiisassapput:</p> <p>1) ilassutit sillimmasiinermullu akiliutit      2) soraarnerussutisianik aaqqissuussinernit aningaasarsianit akileraarutit pillugit inatsisartut inatsisaanni §§ 39 aamma 40 taaneqartunit akiliutigineqartut,      3) soraarnermi ajunngitsorsianik, utertitsilluni nalilinnik pisinermut aaqqissuussinernilu taamaattuni bonusit akiliutigineqartut,      4) aningaasarsianit akileraarutit pillugit inatsisartut inatsisaanni § 46, imm. 5-imi taaneqartunit aalajangersaanerit, aalajangersakkat taakku soraarnerussutisianut karsit, inuunermut soraarnerussutisianillu sillimmasiisarfift allallu ilisi-masaannik pisuuppata.”</p>	<p>4. § 39, imm. 1, ima oqaasertaqarpoq:</p> <p>”Soraarnerussutisiaqarnissamut aningaa-saateqarfiit, inuunermut soraarnerussutisiaqarnis-samullu sillimmasiisarfift, aningaaseriviit allallu soraarnerussutisianik imaluunniit sillimmasiissu-tinik inuuneq naallugu pisartagaritinneqartussanik tunniussartut akileraaruseriffimmut makku pillu-git paassisutissiisapput :</p> <ol style="list-style-type: none"> <li>1) akileeqataassutit akiliutillu akilerneqarsimasut</li> <li>2) soraarnerussutisiaqarnissamut aaqqissuussinernit, aningaasarsianit akileraarutit pillugit Inatsisartut inatsisaanni §§ 39-mi, 39 a-mi, 40-mi aamma § 47 f-imi taaneqartunit tunniunneqar-tartut ,</li> <li>3) aaqqissuussinernit taamaattunit aninermi ajunngitsorsiatut, utertitsinermi nalingatut aamma bonusitut tunniunneqartut, aamma</li> <li>4) iliuuserineqarsimasut aningaasarsianit akileraarutit pillugit Inatsisartut inatsisaanni § 46, imm. 2-mi taaneqartutut ittut, iliuuserineqarsimasut taakku soraarnerussutisiaqarnissamut aningaa-saateqarfiup, inuunermut soraarnerussutisiaqar-nissamullu sillimmasiisarfup, aningaaseriviup ilaallu ilanngullugit ilisimalersimappatigik.”</li> </ol>
	<p>5. § 76-ip kingornagut aamma <b>immikkoortoq VII</b>-ip siornagut kapitalitut nutaatut ilanngun-neqarpoq:</p> <p>”Kapitali 17 a  <i>Oqartussaqarfimmuit allamut maalaaruteqarneq – aalajangiinermik naammagittaalliuteqarneq</i></p>

	<p><b>§ 76 a.</b> § 1 naapertorlugu akileraaruserinermut ingerlatsiviup oqartussaaffigisaani aalajangernerit, § 2 naapertorlugu suliat Skatterådimut maalaarutigineqarsinnaagaangata, allaffissornermi oqartussaqarfimmut allamut naammagittaalliuutigineqarsinnaanngillat. Tamanna aalajangernerup pisinmaatitsineq naapertorlugu pisimagaluaraangalluunniit atuuppoq.</p> <p><i>Imm. 2. Akileraaruseriffiup sulisunut tunngatillugu suliassani, arsaarinnissuteqarnissaq pineqaatissiinissarluunniit pillugit suliassani aalajangiineri kiisalu allagaatinik takunnissinnaatitaaneq pillugu aalajangiineri allaffissornikkut oqartussaasumut allamut maalaarutigineqarsinnaanngillat.”</i></p>
	<p style="text-align: center;"><b>§ 2</b></p> <p>Inatsisartut inatsisaat ulloq 1. januar 2018 atortuulissaaq.</p>

### **3. Pisortanut aningaasatigut allaffissornikkullu sunniutissai**

Naammagittaalliorstinnaanermik killilersuinissaq pillugu maleruagassiortoqarpat tamanna Aningaasaqarnermut Akileraartarnermullu Naalakkersuisoqarfiup suliassanik tamakkuningga suliaqarneranik millisitsissaaq. Selineq maanna millereerpoq, naammagittaalliornerilli amerliartortillugit aningaasartuutit mikinngitsumik qaffannissaat naatsorsuutigineqarsinnaavoq.

### **4. Inuussutissarsiutinik ingerlataqartunut aningaasatigut allaffissornikkullu sunniutissai**

Siunnersuut inuussutissarsiutinik ingerlataqartunut sunniuteqassangatinneqanngilaq.

### **5. Avatangiisinut, pinngortitamut inuillu peqqissusiannut sunniutissai**

Siunnersuut avatangiisinut pinngortitamullu taasarialinnik sunniuteqassangatinneqanngilaq.

Aamma siunnersuut inuit peqqissusiat eqqarsaatigalugu sunniuteqassangatinneqanngilaq.

### **6. Innuttaasunut sunniutissai**

Naammagittaalliorstinnaanermik killilersuinissamik siunnersuut innuttaasut inatsisitigut illersugaanerannut sunniuteqarsinnaavoq. Naammagittaalliorstinnaanermik killilersuinerup siullerut kingunerisinnaavaa naammagittaalliuutit pilertortumik allaffeqarfikkoortumik naammassisneqartarnissaat, tamannalu inatsisitigut illersugaanerulernertut isigineqarsinnaavoq. Naamma-

gittaalliorssinnaanermik killilersuinerup akerlianik kingunerisinnaavaa, naammagittaalliuutip misilinneqarnissaataa eqqartuussivimmi toqqaannartumik pisussangornissaa. Naammagit-taalluummik eqqartuussivinni misiliinerit aningaasartuutaasorujussuusinnaapput, taamaam-mallu innuttaasut inatsisitigut illersugaanerannik sakkukillisitsisutut isigneqarsinnaallutik, in-nuttaasummi taamaaliornissamut aningaasartuutaajumaartussat akileraaruseriffiup aalajangiineranik misiliisitsinissaminut tunuarsimaarutigisinnaammatigik.

## **7. Sunniutissai pingaarutillit allat**

Siunnersuut pingaarutilinnik allanik sunniuteqassangatinneqanngilaq.

## **8. Oqartussaasunik kattuffinnillu il.il. tusarniaaneq**

Inatsisissatut siunnersuut piffissami 16. januar 2017-imut 15. februar 2017-imut ukununnga tusarniaassutigineqarpoq Sulisitsisut (GE), NUSUKA, SIK, KANUKOKA, Kommuneqarfik Sermersooq, Inuussutissarsiornermut, Suliffeqarnermut, Niuernermut Nukissiuuteqarnermullu Naalakkersuisoqarfik, Aatsitassanut Naalakkersuisoqarfik, Naalakkersuisut Siulittaasuata Naalakkersuisoqarfia, Deloitte, Grønlands Revisionskontor, BK Revision, EY Grønland, GrønlandsBANKEN aamma BankNordik.

Inatsisissatut siunnersuut aammattaaq tusarniaavimmi ugguna tamanut saqqummiunneqar-poq [www.naalakersuisut.gl](http://www.naalakersuisut.gl).

Tusarniaanermut akissuteqarnissamut piffissaliussap qaangiunnerani akissutisiffigineqarput GrønlandsBANKEN, BankNordik, KANUKOKA, Sulisitsisut (GE), Sulinermk Inuussutis-sarsiuteqartut Kattuffiat (SIK) aamma Aatsitassanut Ikummatisanullu Naalakkersuisoqarfik.

Oqaaseqaatit tiguneqartut ataani nalinginnaasumik allanneqarput, Naalakkersuisut akissutaat *uingasumik* allanneqartut.

### Sulinermik Inuussutissarsiuteqartut Kattuffiat (SIK)

Naalakkersuisut akileraaruseriffiup aalajangiinerisa, matumani aamma arsaarinninnissamik pineqaatissiinissamilluunniit aalajangiinerisa kiisalu suliamut tunngasunik takunnissinnaatitaaneq pillugu aalajangiinerisa naammagittaalliuutigineqarsinnaanerannik kil-liliinissaq pillugu maleruagassanik aalajangersaanissamut piginnaatinneqarnissaannik siun-nersuut SIK-p eqqarsarnartoqartippaa. Aamma naammagittaalliorssinnaanermik killiliinissap naleqquutuusorineqarneranut tunngavilersuutit pitsasut suuneri SIK-p takujuminaatsippai.

*Killiliinissap innuttaasut inatsisitigut illersugaanerannik ajorseriartitsinnginnissaa naamma-gittalliorssinnaanermik killiliinissaq pillugu maleruagassanik aalajangersaanissami pingaa-rtinneqarumaarpoq. Naammagittalliorssinnaanermik killiliinissamik aalajangersaanissami siu-nerinarineqarpoq suliassanik suliaqartarnerup pitsaanerulerlunilu pilertornerulernissaa, kii-salu isumalluutinik atuinermik millisitsinissaq, suliassammi marloriarlugit suliarineqarnis-saat pinngitsoortinnejassamat. Aamma oqaatigineqassaaq eqqartuussisunut suliassanngor-*

*titsisinnaanerup nalinginnaasup allannngortinneqarnissaa siunnersuutigineqanngimmat, soorluttaaq oqaatigineqarsinnaasoq allaffissornikkut aalajangiinerit Inatsisartut Ombudsmandiannut suliassanngortinneqarsinnaassasut.*

### Sulisitsisut (GE)

Siunnersuummi § 39, Sulisitsisut ilaasortaasa § 39-mi pineqartut paasissutissiisussaanerannut maanna atuuttumut sanilliullugu allannguutaananilu akitsorsaataassanngippat Sulisitsisut siunnersuummut oqaaseqaatissaqanngillat.

*Paasissutissiisussaaneq maanna atuuttoq allannngortinniarneqanngilaq. Aningaaserivinnulli tunngatillugu imaappoq, taakku soraarnerussutisianut tunngasunik neqerooruteqarsinnaaler-  
sutut, soraarnerussutisiaqarnissamut aningaasaateqarfitt maanna piusut assigiinngitsunik  
nalunaaruteqartussaanerisulli nalunaaruteqartassammata.*

### KANUKOKA

KANUKOKA-p siunnersuummi nr. 1-imut tunngatillugu oqaatigaa, aalajangersakkap sunik imaqarnera, matumaniaamma akileraarutitigut ilanngaateqarnissap, akiligassat allagartaannik suliaqarnissaq pillugu maleruagassanik Naalakkersuisunit aalajangersarneqartunik malinninnginnerup paasineqarnerinnaa tunngavigalugu akileraaruseriffimmit itigarttissutigineqarsinnaanera aalajangersakkamut oqaaseqaatinini taamaallaat atuarneqarsinnaasut. Taassuma inatsisip oqaasertaani erseqqissumik allassimanissa KANUKOKA-p siunnersuutigaa.

*KANUKOKA-p siunnersuutaa siunnersuummi § 18 a-mut ilanngunneqarpoq.*

KANUKOKA-ttaaq siunnersuummi nr. 4-mut tunngatillugu inassutigaa aalajangersakkap, nalunaaruteqartussaatitaanerup aningaaserivinnuttaaq atuuttussangortinneqarneranik imaqarnermi saniatigut aamma inatsisip soraarnerussutisianik akileraarusiisarnermut tunngatillugu 2016-imi allannguutaanik nutartigaanera siunnersuummi oqaatigineqassasoq.

*Inassutigineqartoq siunnersuummi nr. 4-mut oqaaseqaatinut ilanngunneqarpoq.*

KANUKOKA-p aamma oqaatigaa siunnersuummi nr. 5-ip aamma allakkat digitaliusut pillugit inatsisisstatut siunnersuutip aammattaaq tusarniaassutigineqarsimasup, taamatuttaarlu UPA 2017-imi suliarineqartussatut naatsorsuutigineqartup imminnut attuumassuteqarnerat oqaaseqaatinini nassuiarneqarsimanngitsoq.

*Akileraaruseriffimmi allakkat elektroniskiusut pillugit immikkut inatsisinut siunnersuutatorunnaarpoq, akileraaruseriffimmi pisariaqartitanut Pisortanit Allakkat Digitaliusut pillugit siunnersuut naammattutut isigineqarmat.*

KANUKOKA-p § 76 a, imm. 2-tut (siunnersuummi nr. 6) siunnersuummut tunngatillugu nag-gasiilluni oqaatigaa, aalajangersagaq kapitali 17-imut, naammagittaalliuutinut atuuttusumut

attuumassuteqanngitsoq. Oqaatigineqarpoq imm. 1, imm. 2 aamma imm. 4 § 2-mut attuumassuteqarnerusut. Imm. 3-mulli tunngatillugu nalorninarnerusoq, aalajangersagaq ilumut akile-raaruserinermik ingerlatsineq pillugu inatsimmut attuumassuteqarnersoq, aalajangersagarmi akileraaruserinermik ingerlatsinermut tunngasuunani sulisut pillugit suliassanut tunngasumat.

*§ 76 a-tut siunnersuut inatsimmi kapitalimut immikkoortumut, kapitali 17 a-mut ima qulequ-talimmut ikkunneqarpoq; Akileraaruseriffiup aamma Naalakkersuisut oqartussaaffiisa agguataagaanerat. Tassa imaappoq aalajangersagaq inatsimmi kapitali 17-imut attuumassuteqar-tinneqassanngilaq. Kapitali 2 Skatterådip pilersinneqarneranut atuuffianullu tunngasuuvooq. Akileraaruseriffiup Naalakkersuisullu oqartussaaffiisa agguataagaanerat kapitalimut tassu-niga ilanngutissallugu Naalakkersuisut tulluartuutinngilaat.*

*Naalakkersuisut aalajangersakkami imm. 3-mut tunngatillugu oqaatigissavaat, aalajangersa-gaqaq tassunga oqaaseqaatini taaneqartutuut taamaallaat sulisut pillugit suliassat aalajangiiffi-gineqarnerannuunnaq tunngasuunngitsoq, suliassanulli allanut akileraaruseriffiup ingerlatsi-nerani ilaasunut, Skatterådimulli naammagittaalliuutigineqarsinnaanngitsunut, soorlu sulisut pillugit suliassat, arsaarinninnissaq pineqaatissiinissarluunniit pillugit suliassat aalajangiiffi-gineqarnerannut, suliamut tunngasunik takunnissinnaatitaaneq pillugu aalajangiinernut il.il. aamma tunngasuusoq. Inatsisip oqaasertaa iluarsineqarpoq.*

Aammattaaq imm. 1-imut imm. 2-mullu tunngatillugu oqaatigineqarpoq ingerlatsinermi aala-jangiinerit suliamullu tunngasunik takunnissinnaatitaaneq pillugu aalajangiinerit Skatterådi-mut naammagittaalliorsinnaanermi pineqartunut ilaangitsut. Tassa imaappoq siunnersummi imm. 1 aamma imm. 2 ataqtigiissillugit atuaraanni ima paasineqassapput, ingerlatsinermi aa-lajangiinerit suliamullu tunngasunik takunnissinnaatitaaneq pillugu aalajangiinerit Aningaasa-qarnermut Naalakkersuisoqarfimmut naammagittaalliuutigineqarsinnaasut. KANUKOKA isu-maqarpoq tamanna ingerlatsinermi aalajangiinernut tunngatillugu ajornartorsiummik immik-kut ittumik kinguneqassasoq, tassa akileraarutissanik angissusiliineq allaluunniit pillugu aala-jangiineq Skatterådimut suliarineqarsinnaasoq Skatterådimut naammagittaalliuutigineqarpat, taava Skatterådip suliassamik suliaqarnermini pissutsit soqutiginaatillit suulluunniit tamaasa ilanngutissallugit pisussaaffigissagaa, matumani ilanngullugu suliaq kukkusumik suliarineqar-simappat aalajangiinerup eqqortuunerata apeqquserneqarsinnaanera. KANUKOKA-p oqaati-gaa, naammagittaalliorsinnaanerup tamanna pissutigalugu aaqqinneqarnissaa isumaliutigine-qartariaqartoq, tassa ingerlatsinermi aalajangiinernut taamaallaat tunngasuussasoq, suliaq naammassineqarsimappat Skatterådimullu naammagittaalliuutigineqarsimannngippat.

*Naalakkersuisut isumaqanngillat ajornartorsiut eqqartorneqartoq piviusuusoq. Skatterådip akileraaruseriffiup suliassanik suliaqarnera pillugu naammagittaalliuutit assigisaalluunniit, akileraaruseriffiup suliassami aalajangiinera pillugu naammagittaalliuummut ilutigitillugu saqqummiunneqanngitsut, aalajangiinerulluunniit imarisaanut pingaaruteqanngitsut isum-merfigisinnaanngilai. Akileraaruseriffiup soorlu suliamut tunngasunik takunnissinnaatitaaneq pillugu aalajangiineri pillugit naammagittaalliuutit naammagittaalliuutivimmum attuumassu-teqanngitsut, naammagittaalliuutillu suliarineqarnerata inerneranut pingaaruteqanngitsut akileraaruseriffimmit suliarineqartarpot.*

Siunnersuut GrønlandsBANKEN-imit, BankNordik-imit kiisalu Aatsitassanut Ikummatissa-nullu Naalakkersuisoqarfimmit oqaaseqaateqarfingineqanngilaq.

## **Aalajangersakkanut ataasiakkaanut oqaaseqaatit**

### **§ 1-imut**

#### **Nr. 1-imut (§ 18 a)**

Aalajangersagaq Naalakkersuisut, akiligassat allagartaannik suliaqartarnissaq aamma akiligassat allagartaannik suliaqartussaatitaaneq pillugit maleruagassiorsinnaanerannik tunngavissiivoq, matumani aamma ilanggullugu akileraaruseriffiup akileraarutitigut ilangaateqarnissamik itigartitsisinnaanera pillugu aalajangersagalioriornissamut, tassa akiligassat allagartaannik suliaqartarnissamik piumasaqaatinik malinnikkumannginneq nammineerluni nalunaarsuiffimmi nalunaarsukkat naammattumik upernarsarneqannginnerannik kinguneqartutut isigineqarpat.

#### **Nr. 2-mut (§ 25, imm. 4)**

Aalajangersagaq § 25, imm. 4-p oqaasertaanik allannguineruvoq. Maanna oqaasertaa malillugu piffissap ernialersuiffiulersussap aallartiffissaalorininarsinnaavoq. Oqaasertaanik allannguinikkut aalajangersarneqarpoq ernialersuineq ulloq 1. september kingusinnerusukkullunniit utertitsinermi aallartissasoq.

#### **Nr. 3-mut (§ 25, imm. 5)**

Aalajangersagaq § 25, imm. 5-mi innersuussinerup, aalajangersakkap 2006-imi allanngortineqarneranut atatillugu kukkunikku iluarsineqarsimannnginneranik pissuteqartup aaqqinnejnarneranik kinguneqarpoq (Akileraaruserinermik ingerlatsineq pillugu Inatsisartut inatsisaat nr. 11, 2. november 2006-imeersoq).

#### **Nr. 4-mut (§ 39, imm. 1)**

Siunnersuutikkut erseqqissarneqarpoq aningaaseriviit, soorlu soraarnerussutisiaqarnissamut aningaasaateqarfiit, inuunermut soraarnerussutisiaqarnissamullu sillimmasiisarfiit il.il. soraarnerussutisiaanik imaluunniit sillimmasiissutinik inuuneq naallugu pisartagaritinneqartartussanik tunniussaqartartut assigalugit, akileeqataassutit akiliutillu akilerneqarsimasut, soraarnerussutisiaqarnissamut ileqqaakkanit, sillimmasiinernit il.il. tunniunneqarsimasut akileraaruserifimmut nalunaarutigisussaagaat, tassa iliuuserineqarsimasut taakku soraarnerussutisiaqarnissamut aningaasaateqarfiup, inuunermut soraarnerussutisiaqarnissamullu sillimmasiisarfiup imaluunniit aningaaseriviup ilisimalersimappagit.

Siunnersuutip aalajangersagaq, inatsisip soraarnerussutisiaanut tunngatillugu 2016-imi ukiakkut aaqqissuuteqqinnejnarneranut, aammalu aningaaseriviit Kalaallit Nunaanni angerlarsimaf-

feqartut aalajangersimasumilluunniit ingerlatsiveqartut, soraarnerussutisiaqarnissamut aningaasaateqarfiiut pioreersut assigalugit soraarnerussutisiaqarnissamut tunngasunik neqeroorsinnaalererannik periarfissiisumut atasumik nutarterpaa.

Nr. 5-imut (§ 76 a)

Aalajangersakkami akileraaruserinermut ingerlatsiviup ataani aalajangernerit, suliat Skatterådimut maalaarutigineqarsinnaappata allaffissornermi oqartussaasunut allanut maalaarutigineqarsinnaannginnerat aalajangersarneqarpoq.

Maalaaruteqarsinnaanermi killiliineq suliani piginnaatisssutit naapertorlugit aalajangiisoqarsimagaluarpalluunniit atuuppoq.

Akileraaruserinermut ingerlatsiviup sulisunut tunngasuni imaluunniit pappiaqqanik takunnikkumanermi aalajangernerit allaffissornikkut oqartussaasumut allamut maalaarutigineqarsinnaannginnerat aalajangersarneqarpoq. Taamaalilluni aalajangernerup misilinneqarnissaa eqqartuussivinni suliassangortitsinikkut taamaallaat pisinnaavoq.

Naalakkersuisut manna tikillugu pisarnermissut suliani aalajangersimasuni, inatsisit naapertorlugit Naalakkersuisut aalajangigassaanni, aalajangiisinnanerat aalajangersakkakut allanngortinnejanaq. Tamanna ilaatigut akileraartarnermut akitsuusiisarnermullu tunngasuni immikkut akuersissuteqartarnermut suliani atuuppoq.

*§ 2-mut*

Inatsisartut inatsisaata 1. januar 2018-imi atortuulernissaa siunnersuutaavoq.